



**TEKS DOA MAJLIS  
PELANCARAN BULAN  
KEMERDEKAAN PERINGKAT  
SEKOLAH TAHUN 2021**

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ رَبِّ الْعَالَمِينَ حَمْدًا يُؤَافِي نِعْمَهُ وَيُكَافِي مَزِيدَهُ يَا رَبَّنَا  
لَكَ الْحَمْدُ كَمَا يَنْبَغِي لِجَلَالِ وَجْهِكَ الْكَرِيمِ وَعَظِيمِ سُلْطَانِكَ  
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ صَلَاةً تُنْجِينَا بِهَا مِنْ جَمِيعِ  
الْأَهْوَالِ وَالْآفَاتِ وَتَقْضِي لَنَا بِهَا جَمِيعَ الْحَاجَاتِ وَتُطَهِّرُنَا بِهَا  
مِنْ جَمِيعِ السَّيِّئَاتِ وَتَرْفَعُنَا بِهَا عِنْدَكَ أَعْلَى الدَّرَجَاتِ وَتُبَلِّغُنَا  
بِهَا أَقْصَى الْغَايَاتِ مِنْ جَمِيعِ الْخَيْرَاتِ فِي الْحَيَاةِ وَبَعْدَ الْمَمَاتِ  
وَعَلَى ءَالِهِ وَصَحْبِهِ أَجْمَعِينَ.

**Segala puji bagi Allah Tuhan  
sekalian alam. Salawat dan  
salam ke atas junjungan Nabi  
Muhammad sallallahu 'alayhi  
wasallam, ahli keluarganya dan  
para sahabat sekalian.**

**Ya Allah, sesungguhnya kami  
bersyukur kepada-Mu kerana  
memberi nikmat pembangunan  
dan kemerdekaan yang dapat  
dinikmati oleh rakyat  
di negara ini.**

**Ya Allah, kekalkanlah pembangunan yang telah kami laksanakan sama ada yang berbentuk material atau spiritual. Martabatkanlah negara kami dan seluruh rakyat di negara kami. Kami bersyukur kepada-Mu ya Allah kerana kemajuan yang kami perolehi adalah hasil daripada kemerdekaan yang telah Engkau anugerahkan kepada kami**

اللَّهُمَّ يَا بَاسِطُ يَا حَفِيظُ يَا رَقِيبُ.

**Sempena Majlis PELANCARAN BULAN  
KEMERDEKAAN PERINGKAT SEKOLAH SEBARU  
Tahun 2021 yang diadakan pada pagi yang penuh  
barokah ini, kami pohonkan ihsan daripada-Mu Ya  
Allah, agar engkau kurniakan kepada kami nikmat  
kesejahteraan dan keselamatan yang berterusan,  
lindungilah kami daripada segala keburukan dan  
keaiban,**

**hindarkanlah kami daripada segala rupa  
bentuk kemungkaran dan kemaksiatan.  
Peliharalah kami daripada segala bencana,  
anugerahkanlah kami dengan kesihatan agar  
kami dapat berbakti kepada agama, bangsa  
dan negara tercinta ini.**

**Ya Allah, Tuhan yang menguasai sekalian alam, Engkau peliharalah tanah air kami Malaysia yang kami cintai ini. Engkau peliharalah perpaduan di antara kami demi kepentingan negara Malaysia yang kami kasihi. Ya Allah, kami bersyukur kepada-Mu kerana dapat hidup dalam keadaan aman, damai, harmoni, percaya-mempercayai, saling hormat-menghormati serta tolong-menolong yang menjadi tunjang kepadakemakmuran negara kami sehingga ke hari ini.**



**Ya Allah, Ya Tuhan yang Maha Pengasih dan Maha Penyayang, Kami memohon restu daripada-Mu, Engkau anugerahkanlah bangsa kami ini menjadi bangsa yang setanding dengan bangsa dan negara-negara maju lain di dunia ini. Engkau kekalkanlah kemerdekaan ini untuk generasi kami dan generasi yang akan datang. Engkau kurniakanlah kepada kami kekuatan, semangat dan kesabaran yang tinggi untuk membentuk generasi baru yang boleh menghargai dan mempertahankan kemerdekaan ini, agar perjuangan awal yang dirintis oleh orang-orang terdahulu daripada kami tidak akan menjadi sia-sia**

**اللَّهُمَّ يَا مُهَيِّمُنُ يَا عَزِيزُ يَا جَبَّارُ يَا مُتَكَبِّرُ.**

**Peliharalah kemerdekaan ini ya Allah, agar bangsa kami menjadi bangsa yang sihat, berdisiplin, bertoleransi, pemurah, peramah dan hidup di kalangan masyarakat berbilang kaum bagaikan satu keluarga. Peliharalah kemerdekaan ini ya Allah, supaya hati kami, jiwa kami dan minda kami sentiasa berada dalam keimanan yang teguh dan dapat memakmurkan negara dan bangsa.**

**“Ya ALLAH Ya Rahman Ya Rahim. Engkau ampunilah dosa-dosa kami. Engkau rahmatilah diri kami, keluarga kami dan negara kami. Engkau lindungilah hamba-hambaMU yang kerdil ini dari segala musibah. Engkau jauhilah diri kami dari penyakit yang berbahaya dan wabak yang mengancam nyawa. Engkau hindarilah kami dari bala yang berat dan takdir yang buruk.**

**“Ya ALLAH Ya Rahman Ya Rahim. Engkau berilah kekuatan, kecekalan dan kesabaran kepada kami untuk menghadapi dugaanMU yang berat ini. Engkau tiupkanlah ketenangan dalam jiwa kami. Sesungguhnya setiap dugaan yang Engkau turunkan kepada kami, Ya ALLAH, tiadalah ia melainkan untuk meningkatkan ketaqwaan dan keimanan kami kepadaMU,”**

**“Ya ALLAH Ya Rahman Ya Syaafi.  
Engkau berilah kesembuhan kepada  
saudara-saudara kami yang dijangkiti  
wabak koronavirus walau di mana  
sahaja mereka berada. Sesungguhnya,  
tiada penyakit yang tidak dapat Engkau  
sembuhkan Ya ALLAH.**

**“Tiada mara bahaya yang tidak dapat Engkau jauhinya dari kami Ya ALLAH. Kami bermohon kepadaMU Ya ALLAH Lindungilah kami. Selamatkanlah kami. Sejahterakanlah hidup kami,”**

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا  
عَذَابَ النَّارِ وَصَلَّى اللهُ عَلَى سَيِّدِنَا مُحَمَّدٍ وَعَلَى  
آلِهِ وَصَحْبِهِ وَسَلَّمَ وَالْحَمْدُ لِلَّهِ رَبِّ الْعَالَمِينَ